

B. C. D.

Disputationem Medicam Ordinariam  
De

# CORYZA.

Gratiosissimo Facultatis Medicæ  
consensu

In

*Antiquissima & Illustrissima*

Electoralis Universitate Heidelbergensi

P R A E S I D E

V I R O

*Nobilissimo, Excellentissimo & Experientissimo*

DN. GEORGIO FRANCO,

MED. AC PHIL. D. P. P. VNIVERS. PRO-

CANCELLAR. ARCHIATR. TREVIRENS. BADENS. AC

WÜRTEMBERG. S. R. I. NAT. CUR. ET ITAL.

RECUPERAT. COLLEG. CELEBERRIMO,

*Domino Praeceptore & Patrono piissimè colendo*

ad d. 28. Mart. A. C. M DC LXXXV.

Eruditis inquirendam proponet

JOHANNES CONRADVS Apffelstatt

Mœno - Francofurt,

H E I D E L B E R G Æ,

Litt. WALTERIANIS Elect. & Acad. Typogr.



V I R O

*Admodum Reverendo, Praclarissimo atq̃  
Doctissimo,*

D O M I N O

M. CHRISTOPHORO

*Nitternacht/*

Pastori Eccles. Orthodox. apud Mæno-  
Francofurtens. fidelissimo,

*Domino Patrono ac Fautori meo omni honoris  
cultu devenerando,*

Disputationem hanc

In debitæ gratitudinis monumentum & ulterioris  
favoris incitamentum

*devotissimè consecro*

JOH. CONRADUS APFFELSTATT  
Mæno-Francof.





## Q. D. B. V.

**S**i fabricam corporis humani adspicimus, vix ac ne vix quidem satis in eâ divinam Creatoris sapientiam admirari possumus! Sit nobis jam exemplo Cerebrum, nobilissimum viscus in toto homine, in quo spiritus animales generantur per exaltationem & sublimationem vitalium pro instrumento animæ nostræ ad præstandum sensum & motum. Non lubet jam plura addere de summâ & nunquam satis admiranda cerebri structura tum externa tortuosa & anfractuosa, tum interna summè necessaria ratione ventriculorum, & dispositione retis mirabilis aliarumque partium, quarum usus nondum plenè satis detectus. Licet autem summa Creatoris sapientia in eo conspicatur, quantum quidem capere potest humana imbecillitas, tamen amen tot tantisque malis atque calamitatibus est obnoxium, ut non satis effari possimus. Non semper una eademque cæli facies, jam cælum serenum & splendens radiis solaribus, jam turbidum & nubibus tectum, & mox permagna circumvolutiones decidunt. Cerebrum sic varias patitur intemperies: sic ut taceam cetera omnia, quot inundationes illud vexant, quomodo ad pectus, modo ad fauces, modo ad ventriculum, modo ad nares tendunt? Notissimus quidem & valdè communis affectus, qui dicitur Coryza, attamen satis gravis & valdè molestus. Hâc proximè elapsa hyeme quamplurimi in nostris experti sunt terris & adhuc jam ingruente vere persentiscunt magna cum molestiâ. Hujus genuinam naturam pro themate solenni nobis indagandam & explicandam proposuimus. Ante omnia verò celestem Archiatrum, JESUM CHRISTUM, à cujus benedictione & salute vera in nostro studio dependet felicitas, supplices rogamus, ut nostra studia atq; instituta ad divini sui Nominis gloriam & exoptatissimam salutem clementissimè dirigere velit.





Quoniam animus est de CORYZA exercitium medicum instituire, illud ut methodicè fiat, primo in limine tradenda nominis explicatio est, quæ communissimè consistit in homonymia, synonymia, & etymologia.

§. 2. Homonymicè interdum per hoc vocabulum intelligitur humor quidam tenuis, incoctus (*Vide Galen. comm. 2. in progn. f. m. 145.*) & falsus fluens per nares; excrementum nempe, quod à capite destillat per nares, quodq; tum in senibus in primis, tum in iis, qui ratione quavis sunt perfrigerato cerebro sive à causa externa sive connata observare solemus. Quando autem dicimus excrementum non excludimus etiam humores alimentares ab intemperie cerebrivitiatos. Et est ita Catarrhi species, vulgo vocatur *Pituita*. Sic tropicè *Pituita* solet usurpari pro eo, qui non est sagaci ingenio, ut dicatur laborare pituita: & contra, qui rem facile capit, ea laborare negetur, uti communissimum proverbium docet: Si tibi id subolet, pituita non laboras. Gravedo quoque Italis pro incubo accipitur, teste *J. Manardo l. 7. Epist. med. 3. p. 208.* qui addit: Nec abs re, quoniam qui eo vexantur, plerumque irruere supra se vel animal vel rem quampiam gravem imaginantur &c.

§. 3. Eadem significatione & synonymicè solent usurpari vocabula Latina *Gravedo* & *Pituita*; item *mucus narium*, quod malum ab Hippocrate dicitur *μύξα*, ut *μεσὸς κορυζῆς τὴν πύα*, habens nares muco oppletas: sed vocabulum *Destillatio* generaliori significatione sumitur ita, ut ferè de omnibus Catarrhi speciebus dicatur, ita & *Rheuma*, *Fluxio*. Licet interdum etiam sumantur pro morbo, qui Germanis solet dici *der Schnuppen*. Pluribus hæc persequitur *C. V. Schneider. l. 5. de Catarrh. sect. 2. cap. 1.* qui videatur.

§. 4. Etymologicè solent nonnulli Coryzam derivare ex *κῆρυξ*, caput, vertex, & *ζέω* ferveo, ebullio, quia velut ebullit è capite humo



humor ille vitiosus pituitosus, fluitq; postmodum per nares. Inde verbum Κορυζάω, mucoplenus sum. *Gravedo* autem *Celso* dicta l. 4. c. 2. & *Plauto* in *Asinar*: derivatur à gravis, quod soleat in ea caput gravari, *Franc. de le Boë Sylv. Prax. l. 1. c. 19. t. 9.* Posse etiam vocari *Gravido* probat *P. Victorius l. 4. Var. Lect. c. 8. p. m. 77.* it. *Gravetudo & Gravitudo ap. Schneider. l. a. p. m. 8.* ΚάπρρⓄ defluxus qf. ἀπὸ τῆς κατὰ & πέειν. Derivatur inde κατὰ πόττομα, destillationibus laboro, fluxus patior. ΠΕΥΜΑ fluxus, fluentum, impetus aquarum, tempestas, catarrhus, unde πευματίζομαι, gravedine infestor, fluxu mali & noxii humoris tentor, à πέειν conf. *Foes. in Oecon. Hipp.*

§. 5. Definitionem ponimus talem: *CORYZA* est humorum vomitorum sæpè acriū è capite per vasa lymphatica ad nares sæpiuscule cum sternutatione à membranarū irritatione dependens defluxio.

§. 6. Genus definitionis hujus posuimus, quod sit *defluxio*, id ut pluribus demonstretur non opus est, siquidem ipsi sensus id satis clare ostendunt ei, qui pituita laborat. Erit itaque affectus noster è genere symptomatum in excretionem consistentium. Est quippe fluxio è capite per nares, è partibus internis ad externa emundatoria. Ubi verò fluxio, ibi motus, circa quem notanda potissimum quinque 1. Materia, quæ movetur? 2. Locus, à quo? 3. Locus, ad quem? 4. Via, per quam? 5. Movens, quod facit aut excitat motum, de quo hinc inde *Institt. Sennert. River. Fuchs. & Rolfinc. in O. & M. med. special.*

§. 7. Materia, quæ movetur, hoc loco nominatur humor. Humoris autē appellatio quanquam propriè Latinis qualitatem duntaxat, quæ Græcis est ὑγρότης, designet, medici tamen ad omnem profluentem & liquidam substantiam eam accommodant, ut id sit humor, quod etiam Græci ὑγρὸν propriè dicunt, quicquid in corpore profluens liquidumq; cernitur, sive id chylus sit, s. mucus, s. sputum, s. urina, s. sudor, s. sanguis, s. pituita, s. bilis tum flava tum atra. Ex his humoribus magis pituita est excrementum, quod



quod à cerebro destillat. Quamvis verò juxta *Galen. 2. de natur. Facult. cap. ult.* propriè non rectè appelletur pituita, sed Græcè *βλέννα καὶ κόρυζα*, Latine mucus: Retentum tamen est nomen pituitæ, utut alteretur in cerebro, quippe quod & ipsum sicut cæteræ corporis humani partes nutrimentum advectum concoquendi & excrementa alterandi virtute gaudet.

§. 8. Pituita in generatione humorum sanguinem consequitur, majorq; ejus in corpore post sanguinem portio est, quam aliorum humorum, Estque vel naturalis vel non naturalis. Naturalis est humor frigidus substantia crudus, colore vergens ad quandam albedinem, sapore verò & odore ad dulcedinem. Dicitur dulcis, extenso hoc nomine ad omnes sapores, qui delectationem gustui pariunt. Chymicis dulce est, quod est insipidum. Hinc pituita hæc aliàs vocatur *ἀπικὴ καὶ ὑδατώδης*, qualitatis expers, insipida & vosa, h. e. ∇ sàpori valdè assimilis.

§. 9. Nonnaturalis pituita est, quæ à propriâ suâ naturâ degenerat, intra latitudinis suæ terminos tamen manet. Contingit id bifariam. 1. quando in propria sui ipsius substantia citra alterius admistionem permutatur. Hinc enim alia juxta sensus judicium in substantia, h. e. crassitie ac tenuitate partium suarum diversa apparet, & à similitudine mucilaginis è seminibus extractæ mucilaginosæ dicitur. Alia æqualis in substantia apparenter, revera tamen diversis ex partibus constans deprehenditur, eaque cruda vocatur, colligitur potissimum in ventriculo & intestinis, hancque *Hippocr. in l. de salubr. Diet.*, singulis mensibus bis vomitu expellendam, præcipit. Alia tenuis valde & vosa, qualis in salivis ac sputis illorum haud rarò visitur, qui cibos minus bellè conficiunt, & largius bibunt. Consuevit etiam in coryzæ principio à cerebro in nares destillare. Hæc eadem per concoctionem indurata crassescit in mucilaginem.

§. 10. Subiectum est cerebrum, vid. *VVedel. in diss. de Coryza Jenæ habitâ 1673.* & in ipso plexus choroides ex mente *Franc. de le Boë Sylv.* qui *Disp. med. VIII. §. 60.* statuit esse affectum glandularum conglobatarum malè affectarū. Illud cum natum sit magis humi-  
dum,



dum, aptum valde est ad generandam pituitam, cujus fons audit *Hippocr. l. 4. de morbo. §. 2. p. m. 201. Conf. Galen. l. 6. de sympt. causst. & Rolsinc. in meth. cog. & cur. aff. cap. diss. 12. p. 6.* Per essentiam fit, quando in ipso cerebro generatur pituita: Per consensum, quando communicatur ab inferioribus partibus, & tum meretur appellari subjectum collectionis. Habet enim plures meatus & ventriculos.

§. 12. Nec diffitemur varias partes catarrhis præ reliquis offendi & affligi; maximè cerebrum & spinalem medullam atque cerebellum: laryngem cum aspera arteria & bronchiis, ipsumq; pulmonem; uvulam fauciumque glandulosam cavitatem; pharyngem cum oesophago &c.

§. 12. Via, per quam ista fluxio fit, sunt ex quorundam mente Canales ex superioribus ventriculis cerebri ad processus mammillares per os cribri forme, non excludendæ tamen venæ, arteriæ & nervi cum naso interno, quæ multorum est opinio. *Blancard. in Lex. Med.* vult deferri per nervos odoratorios: Nos potius cum *Stenone* & recentioribus accusamus vasa lymphatica. *Henric. Althuf. disp. de Graved. §. 16.*

§. 13. Locus ad quem, sunt nares, per quas tanquam viam regiam facilimè fluere potest humor ille pituitosus è capite. *VVedel. l. a.* Latè tamen accipienda sunt verba *Cardilucii ad Hartmann. Prax. chymiatr. c. 18. p. m. 163.* dicentis: Si catarrhus delapsu naribus influat, ibique stagnet, coryza s. gravedo appellatur. Ego addo: etiam, si ibi fluat, est coryza.

§. 14. Movens s. causa hujus vitiosæ defluxionis quærenda in ipso humore ad fluxum talem apto & abundante, s. jam illa abundantia in toto s. in parte, nempe capite, hæreat. In primis verò iusto tenuior, acris, & sus irritat facultatem expultricem, ut exurgat ad rei molestæ expulsionem, *VVed. l. a.* multoq; facilius & citius hæc fit propter vias satis amplas. Per accidens quoq; sæpè laxantur vasa, & sponte sua fluit humor, aut calor pellit quodammodo ad partes incalescentes colliquatum humidum vehementer agitatam. Nimirum, ut *Hipp.* iuquit: Ita comparatum est à naturâ



naturâ in corpore humano, ut membra nobilia & robusta materiam sibi molestantem aut quantitate aut qualitate expellant à se ad ignobilia & debilia.

§. 15. Causæ mediatae proximiores sunt humores excrementitii ex prædominio ut plurimum serosi pituitosi, ex subdominio cum aliis & acidis austeris biliosis ex parte misti. Quandoque enim serum ex cibi & potus particulis heterogeneis & viscosis generatum non rite perficitur aut separatur in visceribus ad id destinatis, miscetur humoribus nutritiis & ita ad omnes corporis partes beneficio circulationis sanguinis, in primis cerebrum, detruditur. Sed primitus ista pituita generatur in ventriculo auctore *Galen. lib. de atrabile c. 8. & Comm. 1. in lib. Hipp. de nat. human. t. 39.*

§. 16. Recentiorum sententia hæc est, quam etiam amplectitur *Althusius*, scil. oriri gravedinem à lymphâ propter obstructionem in glandulis cum vasis suis, in plexu choroide sitis stagnante, eaq; ob continuum novi transcolati humoris affluxum ultra modum extendente, talemque dolorem distensione nimia pariente; Quoniam verò lymphæ hoc pacto sensim accumulatae causa, obstructio, vel sponte, si levis; vel medicamentis, si gravior sit, reserari solet, vel pertinacius resistens partes ad ulteriorem cogit distensionem, necesse est vel vi obstructionem penetrari vel vasa ipsa tandem rumpi, contentumque liquorem effundi, à quo effuso per quam multæ partes gravibus, imo si negligantur, incurabilibus ferè cruciantur affectibus.

§. 17. Ex Chymicis alii accusant principium Sale, cum faciat ad fluorem, rectius alii & num. *Wedel. l. c.* Particulæ enim & resolutæ sero & sui juris factæ fluoremque hinc adeptæ secessionem faciunt; Et & uti facile coagulantur, ita etiam facilimè iterum solvuntur cum primis menstruo & eo.

§. 18. Peccant verò hi humores secundum modum effendi (1) quantitate, cum contra leges naturæ assumtorum terminos excedunt, & ex abundantia vires gravando cerebrum afficiunt tanquam partem debiliorem. (2) Qualitate cum calidiores acriores & & res sunt facti non servata suæ naturæ conveniente indole. *Deu-sing.*



*ling. Exercit. de alimenti depur.* §. 59. ait: Si quid cum phlegmate serosæ materiæ exprimatur, ut propellatur ad cerebrum, id confluens ad nares, coryzam inducit. (3) substantiâ, cum induerunt naturam inimicam oeconomiae animali & malignam.

§. 19. Proxima generatio humorum in cerebro fit vel per essentiam vel per consensum. Per Essentiam ob læsam concoctionem à variis intemperieb<sup>9</sup> & debilitatibus cerebri. Sic interdum solum ab externâ aëris frigiditate poris cutis constrictis, & evaporatione impeditâ fit condensatio & effluxus. Per consensum est, quando fomes mali est extra cerebrum vel toto corpore cacochymico & sanguine mucoso pituitoso vel laborante solum parte quâdam, ventriculo, hepate, &c.

§. 20. Nec excludendi sunt vapores. Ascendentes enim hi ex partibus inferioribus, præsertim ventriculo, in cerebro in temperie frigidâ affecto condensantur ex frigoris naturâ. Conf. *Hippocr. l. de gland.* §. 5. p. 69. & in *Epist. ad Demetr.* §. 40. p. 580. Cum enim cerebrum toti corpori velut alembicus destillatorius incumbat, contingit, ut omnis generis superfluitates illuceleventur & rursus demittantur. De viis multa dicere supersedemus, notum enim est genus arteriosum, notum est totum corpus esse porosum.

§. 21. Causæ remotiores naturales sunt temperamentum cerebri frigidum & humidum. Sic enim nec humidum ex alimentis adveniens digeritur, nec vaporosum adscendens discutitur aut resolvitur. (2.) ætas senilis præcipuè ob debilitatum calorem nativum plurima excrementa pituitosa generat. it. infantilis ob cerebrum magis humidum. Quando autem *Cardilucius ad Hartmann. Prax. Chymiatri.* c. 49. p. m. 227. scribit: esse cuilibet notam, ita ut null<sup>9</sup> inveniatur, qui eam non multoties sit expertus: Vix nostrum merebitur assensum, cum sint (1.) multi, qui nunquã; (2.) aliqui, qui semel saltem fuerint experti. (3.) magnitudo cerebri indigens multo nutrimento, hinc etiam cumulans excrementa. (4.) sexus femineus, in quo calor nativus communiter debilior, quàm in virili, magis huic affectui est obnoxius.

§. 22. Non naturales externæ causæ sunt (1.) Vitium aëris corpora



perimento *Cl. Hookii* aliorumque, quo patet animal moribundum per horam adhuc in vivis detineri posse, ita ut reciproca pulmonis explicatione & constrictione cordis motus ferè deficiens restitatur, morsque ad notabile temporis spatium differatur. Circa quod fortassis excipi posset infirmitas consequentiae aut certè obscuritas; sed & Autoritate *Illustris Boyle*, promittentis in *Apparatu ad Historiam naturalem sanguinis* manifestam demonstrationem Aerearum particularum humano sanguini commixtarum atque etiam in distinctis ejus partibus repertarum. Jungatur etiam ejusdem lectu dignissimus libellus de Porositate Corporum. Quamvis vel exinde ad oculum pateat Aeris cum sanguine miscela, quod supra jam ostensum, inesse alimentis & chylo Aeris particulas commotas.

**OBSERV. IV.** *Aerem in corporum solutionibus, fermentatione & Putrefactione manifestò erumpere.*

Et hoc caret omni dubio, utpote sensibus obvium: Sanè attentius, (verbis libet exprimere *Exc. D. D. Bohnii in diss. Phys. Chym. VIII. §. 7.*) & cum aliquali patientia Massam digestionì expositam intuentes, interdum hinc inde aliquid sub bullarum formam commoveri, & à fundo vasis ad materię superficiem evehi deprehendimus, quæ non nisi minima Aerea sunt, hætenus substantiæ concretorum solidiori intertexta, quæ evoluta, quamdiu singula insensibilia, eorumq; tendentiæ imperceptibiles existunt, in massulas majores conglomerata, per levitatem suam naturalem dum superiora conscendunt, bullulas ejusmodi conspicuas formant. Magis hoc conspicuum in fermentatione, ubi Aer interior liberius propter particularum concreti discessum spatium nactus egregiè massam fermentandam turgescere facit, & sæpe extra vasorum oras propellit. In Putrefactione tantò clarius, quantò certius vel ipsi Tyrones in Officinis Pharmaceuticis norunt, putrefacta odorem fracidum & nauseabundum spirare. Maximè verò id confirmat Experimentum, cujus laudatus ante *Bohnii* meminit *Diss. Physic. Chym. 10.* quod ita se habet. Prohibiturus repentinam corporis putrefactionem, includat illud recipienti Evacuato & colliget ex odore, in vacuum locum subinde assurgere halitus, qui nisi aliquoties exantlentur, in propria viscera sæviant, idemq; præstent, quod alias externi Aeris impulsus &c. Scilicet in omni solutionis specie Aer externus vibrationibus suis & continuis impulsibus plus minus con-



concreti poros laxat, ut intrinseco liberius detur sese explicandi spatium.

**OBSERV. V.** *Aerem è corpore migrantem quasdam concreti particulas secum abripere.*

Fluit hoc è præcedenti tanquam Confectarium, neque prolixâ indiget declaratione, cum ex odore corporum fermentationi & putrefactioni expositorum evidentissimè pateat, cum Aereis particulis quasdam sulphureas salinis quibusdam Volatilibus acutatas nunc puriores nunc impuriores copiosiores vel pauciores pro variâ corporum solvendorum dispositione exhalare, ad longiorem vel breviorè distantiam, id quod etiam dudum Philosophi Atmosphæris seu Sphæris activitatis innuere voluerunt. Possent plurima adduci exempla, nisi jam cognita essent, vel labore hoc supersedere nos juberet brevitatis studium. An verò Curationes per pulverem sympatheticum, nec non alia Magneticæ & Transplantatoriæ ex hac Observatione & ejus Experimentis ritè defendi possint in medio relinquo, suasu *Excellent. DN. PRÆSIDIS*, qui jam olim publicè plura falsa supposita circa illas occurrentia detexit, præsertim cum tales curationes adhuc suspectæ hodieque rectè à plurimis negligantur.

**OBSERV. VI.** *Aquam in vapores vi fervoris interni vel externi promptissimè resolvi, hosque ex angustiis in amplius spatium transeuntes ventos & flatus constituere.*

Utrumq; membrum à Physicis rationibus & Experimentis abunde demonstratum. Et sanè instar omnium esse poterit Aeolipylarum inventum non hujus seculi, sed antiquius, ab ipso *Vitruvio in Architectonicis* literis consignatum. Ad oculum enim patet, has aquam continentes & igni admotas per rimam aut angustum foramen flatus & ventos cum impetu & strepitu eructare propter rarefactionem aquæ liberiores affectantem campum jung. *Excell. DN. STURMII, Phys. Conc. part. specialiss. sect. I. c. 3. & Philosoph. Eclect. disp. VI. de Circul. corpor. non impeditâ §. 16.* Quidni verò in corpore quoque humano cum flatuum generatione res ita se haberet, cum horum quoque originem à materiâ fluidâ mixtâ, variis mutationibus & solutionibus à calore interno vitali & Aere ambienti vel calido vel frigido suscipiendis obnoxia, descendere ex præcedentibus Phænomenis & Observationibus satis perspectum habeamus.



C A P. III.

*Phænomenorum superius traditorum rationes ex præmissis Observationibus deducit & explicat.*

**E**Xpositis hætenus ad scopum nostrum magis collimantibus Observationibus, cum plures adducere prolixitas evitanda nobis haud permittat, reliquum est, ut Phænomenorum cap. I. propositorum rationes ex iisdem reddamus, id quod sequentibus succinctè præstare conabimur.

Quando igitur circa nutritionem eique connexas & subordinatas functiones dictum, unà cum assumtis Aerem quoque per Oesophagum detrudi, nititur hoc partim *Observatione I.* qua constat Oesophagi cavitatem extra deglutitionis actum haud dubie continere Aerem, partim *Obs. II.* Aeris quoque particulas materialiter assumtis alimentis immixtas copiosiores vel pauciores prolixitate vel densitate illorum confirmante; partim fluit ex continuo salivalis humoris in ventriculum descensu, quem tamen uti multis portionibus volatilibus scatentem, ita in specie aereis turgere, credere jubet Aeris necessaria in oris cavitate, dum respiramus, admixtio.

In Chylificatione flatus concurrere præter modò dicta etiam *Observatio V.* confirmat, sive illam fieri per digestionem, sive fermentationem sive extractionem defendere velis. Quamvis nullam nos videamus rationem, cur non fermentationi id muneris liceat adscribere, si intelligas naturalem & moderatam, præsertim cum egregiè illi competat definitio *ab Excell. DN. STURMIO* tradita, quod sit arctæ colligationis partium lenta & intrinseco motu facta se motio, ita ut nullo alio vinculo ampliùs quàm contactu simplici uniantur, *Phys. Concil. part. spec. sect. I. cap. 5. §. 9.*

In depuratione Chyli à portionibus excrementitiis non solum stercoreas crassiores separari, sed & flatuum etiam in verè sanis generationem atq; in cavitatibus intestinorum collectionem, nec non successivam exclusionem facile ostendunt *Observ. 1. 2. 4. & 6.* inter se ritè collatæ & dextrè huc applicatæ. Dum itaque de flatibus eorumque modo generandi intra ventriculum & intestina certum sumus, porro an non usus aliquos præstent solemniores, inquirendum. Videntur autem, si suspicionibus locus, sequentes. I. Ut in-  
testina.



testina indecenti situ detineant, cum aliàs collapsura fluentibus per ipsa humoribus, nec non fecibus descendentibus obstaculo fuissent, quò fortassis respexit Hippocrates, quando in Iliaca passione per aeris mediante folle in intestina injectionem in ordinem eadem redigere docuit. II. Ut abdomem contra superjacens Aeris pondus defendant in Expiratione aliàs ita comprimendum, ut humorum omnium per partes illius fluxus interciperetur, præsertim cum à postica parte osseis repagulis cinctum sit, presso abdomini cedere nesciis & ita illius compressioni faventibus. III. Ut ciborum solutionem promoveant. Constat siquidem ex *Obs. IV.* Aeris in solvendis concretis vim esse longè maximam, quæ erit longè major intra ventriculum, cum circum circa calor adjacentium viscerum elaterem ejus intendere potens sit, arctaque sinistri orificii occlusio fugam omnem prohibeat, unde ventriculum concipies quasi *Machinam Digestricem Papinianam*, quâ mediante elegantissimas *Tincturas* è solidioribus concretis *Autor Papinus* prolicuit. Quare patet nunc, omninò falsum esse, quod plerique veterum & Recentiorum flatus pro re merè præternaturali habuerint, cum tamen illorum ortus non solum ex necessitate materiæ dependeat, sed etiam ob certos usus fieri videatur, eorumque excretio debita sanitati maximè conferat, sicut retentio longior, cæteris paribus, in perniciem lethalem cedere potest, id quod lepidissimum Nicarchi Epigramma testatur in Anthol. Græc. l. 2. c. 44.

Πορδὴ δ' αποκλείνῃ πολλὰς ἀδιέξοδ' εἶσα,

Πορδὴ καὶ σώζει τραῦλον ἰεῖσα μέγ'.

Οὐκ εἴ σῳζει, καὶ αποκλείνῃ πάλι πορδὴ,

Τεῖς βασιλεῦσιν ἴστω πορδὴ ἔχῃ δυνάμιν.

Cum ructibus res eodem se habet modo, utpote qui etiam nihil aliud sunt, quam *Φυσώδη πνέματα*, teste Galeno comm. 3. in l. 4. Epid. Text. 1. quorum in ventriculo proventus & per os excretio iisdem observationibus fundatur.

Phænomena in Generationis Negotio ex primis quatuor observationibus non majori difficultate deduci & explicari queunt, dummodo spongiosam & cavernosam genitalium substantiam, copiosum sanguinis & Spirituum affluxum, liquoris seminalis in utroque sexu originem, ovuli ex sua sede dimotionem &c. probe mentis oculo inspiciamus, ubique enim insignem videre licet flatuum concursum. Quamvis enim negari non possit spiritibus primas hac



in redeberi, quatenus scilicet causa sunt impellens, nolim tamen flatum excludere exinde, quod certum est, non solos spiritus rem conficere, sed spiritus cum sanguine. Quid verò duorum liquidorum talium confluxus aliud efficiet quàm flatum, qui demum aptus erit ad efficiendam turgescientiam tam in semine masculo, quàm in liquore illo, qui continetur intra foemellarum ovula. Quod ultimò dictum in Embryonis jam dum corpusculo flatuum adesse præsentiam, eosq; primum esse ad exclusionem stimulum, non amplius latere potest illum, qui consideraverit, unde nutrimentum fœtus in utero materno sibi decerpserit. Respectu verò matris flatuum concursus posse promovere partus negotium nemo negabit, nisi qui Aeris elasticam vim non habuerit compertam, & ignoraverit commendatâ tali in casu Respirationis cohibitionem.

De Respirationis, sanguinis elaborationis & distributionis, Urinæ secretionis & insensibilis Transpirationis phænomenis facile quoq; innotescere potest, ea *observationibus niti propositis*. In specie autem ad Respirationem & sanguinis perfectionem applicari debent *prima & tertia* è quibus non tantum insignis Respirandi necessitas, sed & duplex usus clarissimè elucescit, quorum primus ille, quem *Excell. DN. P. STURMIUS, in disput. pecul. de Respir.* monstravit, ut interni Aeris elatere contra externi pondus munirentur fluidæ corporis nostri partes; alter, quem indigitavit *Cl. Bohnius in sæpe citato Circ. Anat. Physiol. Prog. V.* ut eadem corporis nostri fluida sic intestinum conciperent motum.

Urinæ & halituum insensibilem secretionem clariorem etiam reddet *Observatio quinta*, qua probatur, particulas concreti alias Aeri emigranti se commiscere, indeque in Urinâ & sudore coloris & odoris varietatem provenire.

Circa olfactus, Auditus nec non Motus phænomena vix ulla difficultas supererit, cum ex *Observationibus* facile deduci, & ex hæcenus dictis ultrò etiam patere possint, ut propterea ulteriori prolixitate superfedere liceat.

Quod verò attinet expositos superius in tribus corporis regionibus affectus præternaturales, in quibus flatum peccare, nocumentumque corpori inferre solent, eorum quidem modus generationis specialior pertinet ad Pathologiam particularem, quam proponere, nec mei est instituti, nec mearum virium; Nullum tamen est dubium, quin omnium morborum flatulentorum phænomena ex  
iisdem



iisdem Observationibus satis perspicuè demonstrari queant, quod breviter Coronidis loco ostendere conabor.

In Nutritionis igitur negotio tot modis à statu Naturali flatu recedere quis mirabitur, dum ET QUANTITATE ET QUALITATE nocere possunt? QUANTITATE ac I. quidem EXCEDENTE, quatenus vel ventriculus cibis ob nimiam copiam *δυσπείσις* obruitur, unde chylus perfectus non emergit, sed mucago saltem viscida, quæ accedente calore per *Obs. VI.* & fermentatione præternaturali per *Obs. IV.* tota fere in flatu resolvitur, non exclusâ etiam suo modo bile; vel orta alicubi in intestinis vel aliis abdominis partibus obstructio aut continui læsio flatuum ex super ingestis cibis coacervationem necessario inducit, dum exclusionem eorundem prohibet. II. DEFICIENTE, ubi vel nimium excernuntur, sine dubio aut à sphincteris resolutione, aut ab æstuante intestinorum calore; vel parcius generantur ob resolutionem alimentorum imperfectam, flatuum compositioni non faventem. Hinc verò quis non lædi posse videt primario inferioris ventris actiones, chylicationem, chyli distributionem, fecum & urinæ excretionem, & secundario etiam omnes alias in quibuscunque corporis partibus secretiones. Cum enim certa quædam texturæ habitudo requiratur in sanguine aut alio quodam humore ad id, ut secerni alicubi queat, manifestum, à non secretis flatibus, seu, quod idem est, non productis fieri chylum crudum, & sanguinem consimilem, qui ineptus sit ad sustinenda vel perficienda ea, quæ alioqui in statu ejus naturali contingere solent. QUALITATE, in quantum ciborum vitiosè quacunque de causa digestorum, in primis autem à fermenti peregrino sapore, particulas acres, acidas, austeras associatas habent, vi nempe *Obs. V.* sicque parietes ventriculi & intestinorum vellicando, eosdem in varias doloris species agere apti nati sunt, ut nunc habeamus enumeratorum supra affectuum conceptum facillimum, in simulque intelligamus, quomodo flatu & nimia excretionem & proventu justo minore noceant. In Partes generationi dicatas non minus redundat flatuum vitium, siue deficiendo illas inertes reddant, siue copiosius cum sanguine & lymphâ advehantur per *Obs. III.* siue loco affecto sint quasi domestici: posse enim generari putamus à spirituum animalium lentore ad refluxum inepto, eâ ratione, quâ Tympanitidem sibi fieri persuasit *Willisus Pharm. Rat. P. II. s. 2. c. 4.* Ex utraque causâ posse contingere ea, quæ supra tetigimus, v.g.



Priapismum, Inflationem Uteri &c. Imò graviora etiam mala debere accidere, ut Passionem Hystericam, stimulo quodam corruptis mensibus, ovulis & liquore seminali superveniente, cuius est in aprico.

Quare transimus ad medium Ventrem uti à flatibus non immunem, sic certè non intactum relinquendum. Læduntur enim principes ejus actiones, Pulsus & Respiratio, vitales vulgò dictæ, multis modis. Respiratio noxam incurrit, quoties flatulenta quædam tensio occupaverit musculos thoracis, aut vasa intrapulmones nimium distenta, vel flatus intra cavum pectoris collecti pulmonum dilatationem impedi verint, aut obstructio bronchiorum Aerem vel non admiserit vel non emisit, unde Asthma & suffocationis periculum, & aliæ plures difficilis respirationis species.

Pulsus illique adjunctæ sanguinis Elaboratio & Distributio flatuum exorbitantias luunt, si vel chylus sanguini offeratur flatulentus; vel suppressa sit nunc toto in corpore, nunc in aliquibus ejus partibus transpiratio; vel per calorem sanguis nimium rarefiat, fermentescat; vel à vitioso in parte quadam hærente fermento putres & perniciosi generentur halitus. Omnia vi *Obs. III. IV. V.* Hinc enim evidentissimum, debere sequi Palpitationem cordis, varias Pulsus anomalias, febrium species plures, in specie Synochum non putrem, febrem Inflativam dictam, de quâ legi meretur *Clariss. Bell. in Eruditiss. Tract. de Febr. Prop. XIV. p. 309.* Alia huc facientia occasione Pulsus vitiati & suppressæ Transpirationis ex modo laudato Autore potuissimus adducere, nisi finem pagellarum angustia imperaret. Qui volet legat. *Ejusd. Tr. de Pulsibus* & alium de *Missione sanguinis*, & inveniet multa curiositati suæ respondentia.

Nec amplius jam latere potest, quomodo flatus vel in caput sese insinuando illius dolorem excitent, vel purioribus spiritibus juncti eosdem obnubilent, sensus debilitent, si acrimoniâ quadam præditi, nervos irritent, contrahant, & varios convulsivos motus producant, ex hætenus enim dictis & collatis inter se Autorum observationibus omnia erunt clarissima. Ut ita breviter naturalem & præternaturalem flatuum habitudinem indicaverimus, Phænomena quadam circa illos obvia è causis suis probabiliter declarando. Sicubi lapsi fuerimus, erroris juvenilis veniam speramus, promptè etiam illum ad Eruditorum monita correcturi. DEO vero T. O. M. cui pro hac usque concessis clementissime viribus devotas gratias agimus,

SIT LAUS HONOR & GLORIA!